



SAMBAND ÍSLENSKRA SVEITARFÉLAGA

Hlutverk Sambands íslenskra sveitarfélaga

Samband íslenskra sveitarfélaga var stofnað árið 1945 og aðild að því eiga öll sveitarfélög landsins. Sambandið er sameiginlegur málsvari sveitarfélaganna í landinu og vinnur að sameiginlegum hagsmunamálum þeirra. Verulegur hluti starfseminnar felst í hagsmunagæslu fyrir sveitarfélögin gagnvart ríkisvaldinu og öðrum innlendum og erlendum aðilum. Á síðustu árum hefur hlutverk sambandsins í kjaramálum aukist verulega og annast Launanevnd sveitarfélaga kjarasamningagerð og hagsmunagæslu fyrir sveitarfélögin á því sviði. Sambandið veitir ráðgjöf og miðlar upplýsingum um einstaka þætti sveitarstjórnarmála til sveitarstjórnarmanna með almennri fræðslu og með útgáfu tímaritsins Sveitarstjórnarmála og handbóka.

Í sveitarstjórnarlögum er Samband íslenskra sveitarfélaga viðurkennt sem sameiginlegur málsvari sveitarfélaganna og í gildi er sérstakur samstarfsáttmáli við ríkisstjórn Íslands, þar sem með formlegum hætti er kveðið á um samskipti þessara tveggja stjórnvalda.

Landsþing sambandsins er haldið árlega. Landsþingið fer með æðsta vald í málefnum sambandsins. Öll sveitarfélög eiga fulltrúa á þinginu, mismarga eftir íbúafjölda. Á landsþingi sem haldið er að afloknum sveitarstjórnarkosningum eru 11 menn kjörnir í stjórn sambandsins og 9 menn í Launanevnd sveitarfélaga.

Skrifstofa sambandsins

Skrifstofa Sambands íslenskra sveitarfélaga er til húsa á 5. hæð í Borgartúni 30, Reykjavík. Skrifstofan er rekin í samstarfi við Lánasjóð sveitarfélaga og Bjargráðasjóð. Framkvæmdastjóri sambandsins er jafnframt framkvæmdastjóri Bjargráðasjóðs en Lánasjóður sveitarfélaga hefur sérstakan framkvæmdastjóra. Sambandið annast skrifstofuhald fyrir stofnanirnar þrjár.

Samtals starfa á skrifstofunni 22 starfsmenn að sameiginlegum verkefnum sambandsins og samstarfsstofnanna, flestir eru í fullu starfi en fjórir starfsmenn eru í hlutastörfum. Einn starfsmaður er í skrifstofu sambandsins í Brussel. Þrjú starfsmenn starfa hjá Lánasjóði sveitarfélaga ohf.

Framkvæmdastjóri sambandsins og Bjargráðasjóðs er Karl Björnsson en framkvæmdastjóri Lánasjóðs sveitarfélaga er Óttar Guðjónsson.

Starfsemi sambandsins er skipt upp í fimm svið, þ.e. hag- og upplýsingasvið, lögfræðisvið, kjarasvið, þróunar- og alþjóðasvið og rekstrar- og útgáfusvið. Þá er Staðardagskrá 21 hluti af verkefnum sambandsins, en skrifstofa verkefnisins er í Borgarnesi. Hér fer á eftir yfirlit um hlutverk og starfsmenn hvers sviðs fyrir sig:



Á 5. hæð hússins við Borgartún 30 eru skrifstofur Sambands íslenskra sveitarfélaga og samstarfsstofnana.

Hag- og upplýsingasvið: Meginhlutverk sviðsins er upplýsingaöflun, úrvinnsla, miðlun og útgáfa á rekstrar-, efnahags- og hagrænum upplýsingum úr starfsemi sveitarfélaganna til notkunar í samanburði milli sveitarfélaga og hagsmunagæslu fyrir þau. Hag- og upplýsingasvið annast einnig samskipti við Ríkisbókhald vegna staðgreiðslu útsvars og hefur eftirlit með staðgreiðsluskilum til sveitarfélaga.

Starfsmenn sviðsins eru Gunnlaugur Júlíusson sviðsstjóri og Jóhannes Á. Jóhannesson iðnaðartæknifræðingur og Valgerður Freyja Ágústsdóttir stjórn málafræðingur.

Lögfræðisvið: Meginhlutverk lögfræðisviðs er að gæta hagsmuna sveitarfélaga í tengslum við löggjöf og aðrar reglur sem þau snerta. Einnig er lögfræðisvið stöðdeild fyrir önnur svið sambandsins og veitir sveitarfélögum almenna þjónustu.

Starfsmenn sviðsins eru Guðjón Bragason sviðsstjóri, Jana Friðfinnsdóttir lögfræðingur og Lúðvík E. Gústafsson, sérfræðingur í úrgangsmálum.

Kjarasvið: Sviðið hefur það meginhlutverk að þjónusta og gæta hagsmuna sveitarfélaganna á sviði kjara- og starfsmannamála auk þess að hafa umsjón með starfsemi og annast framkvæmdastjórn fyrir Launanefnd sveitarfélaga.

Starfsmenn sviðsins eru Inga Rún Ólafsdóttir sviðsstjóri og sérfræðingarnir Dórothea Jóhannsdóttir hagræðingur, Guðfinna Harðardóttir, MA í mannauðsstjórnun, Guðrún Ósk Sigurjónsdóttir lögfræðingur, Guðrún A. Sigurðardóttir og Berglind Eva Ólafsdóttir, en tveir síðast töldu starfsmennirnir vinna að samræmdu starfsmati hjá sveitarfélögum.

Þróunar- og alþjóðasvið: Meginhlutverk sviðsins er að vinna að framþróun og nýsköpun í stjórnýslu og þjónustu íslenskra sveitarfélaga og gæta hagsmuna íslenskra sveitarfélaga gagnvart Evrópska efnahagssvæðinu. Sviðið hefur einnig umsjón með erlendum samskiptum sambandsins og vinnur að fræðslumálum starfsmanna sveitarfélaga og sveitarstjórnarmanna. Starfsmenn sviðsins eru Anna Guðrún Björnsdóttir sviðsstjóri, Svandís Ingimundardóttir þróunar- og skólafulltrúi og Anna M. Guðjónsdóttir forstöðumaður Brusselskrifstofu.

Rekstrar- og útgáfusvið: Hlutverk sviðsins er að sinna stöðþjónustu við önnur svið sambandsins, annast rekstur sambandsins og samstarfsstofnana þess og að sjá um útgáfumál og upplýsinga- og samskiptavef sambandsins á netinu.

Starfsmenn sviðsins eru Magnús Karel Hannesson sviðsstjóri, Jónína Eggertsdóttir bókarari, Bára M. Eiríksdóttir gjaldkeri, Ingibjörg Hinriksdóttir þjónustufulltrúi og ritararnir Guðbjörg Karlsdóttir, Ragnheiður Snorrardóttir og Sigríður Inga Sturludóttir.

Staðardagskrá 21: Meginhlutverk staðardagskrárverkefnisins er að veita sveitarfélögum ráðgjöf og miðla upplýsingum um hugmyndafræði, gerð og framkvæmd Staðardagskrár 21, í samræmi við samstarfssamning sambandsins við umhverfisráðuneyti.

Starfsmaður verkefnisins er Stefán Gíslason umhverfisfræðingur og hefur hann aðsetur í Borgarnesi.

Launanefnd sveitarfélaga: Meginhlutverk Launanefndar sveitarfélaga (LN) er að gæta hagsmuna sveitarfélaganna gagnvart stéttarfélögum starfsmanna sveitarfélaganna. LN kemur fram sem samningsaðili fyrir hönd sveitarfélaga samkvæmt þeim umboðum sem nefndinni eru gefin eða leiðir af lögum. Þá er LN ætlað að vinna að því að

samræma afstöðu sveitarfélaganna til kjarasamninga og að móta stefnu í kjaramálum.

Launanefnd sveitarfélaga er skipuð níu mönnum sem kjörnir eru á landsþingi sambandsins. Um mitt ár 2008 hafði LN um 615 umboð frá öllum sveitarfélögum landsins til að gera kjarasamninga við 80 stéttarfélög eða sambönd þeirra. Samningarnir ná til um 13.300 stöðugilda en Reykjavíkurborg annast sjálf samningsgerð vegna hluta sinna starfsmanna eða um 5.100 stöðugilda.

Inga Rún Ólafsdóttir sviðsstjóri annast framkvæmdastjórn fyrir Launanefnd sveitarfélaga.



Fjögur fundarherbergi eru í Borgartúni. Myndin hér að ofan er úr Allsherjarbúð, sem er þeirra stærst, en þar fundar stjórn sambandsins.

Nánari upplýsingar um Samband íslenskra sveitarfélaga og verkefni þess, símanúmer og netföng starfsmanna, samstarfsstofnanir sambandsins og ýmislegt er lýtur að sveitarstjórnarmálum og rekstri sveitarfélaga má finna á upplýsinga- og samskiptavef sambandsins. Slóðin er www.samband.is.

Samstarfsstofnanir sambandsins

Lánasjóður sveitarfélaga ohf.

Meginverkefni Lánasjóðs sveitarfélaga (LS) er að veita sveitarfélögum stofnlán til nauðsynlegra framkvæmda, eða hafa milligöngu um töku slíkra lána, og að veita lán til sveitarfélaga til greiðslu óhagstæðra lána.

Lánasjóður sveitarfélaga lýtur sérstakri fimm manna stjórn sem kjörin er á ársfundi. Framkvæmdastjóri Lánasjóðs sveitarfélaga Óttar Guðjónsson.

Lánasjóður sveitarfélaga hefur sérstaka heimasíðu á slóðinni www.lanasjodur.is

Bjargráðasjóður

Bjargráðasjóður skiptist í tvær deildir, almenna deild og búnaðardeild. Hlutverk almennu deildar sjóðsins er að veita sveitarfélögum fjárhagsaðstoð til að bæta bein tiltekin tjón af völdum náttúruhamfara, þ.e. tjón á gjaldskyldum fasteignum samkvæmt skilgreiningu laga um tekjustofna sveitarfélaga, tjón á landsvæðum, götum og gangstéttum og tjón á vélum og tækjum sem notuð eru við starfsemi sveitarfélaga.

Stjórn Bjargráðasjóðs er skipuð til fjögurra ára í senn. Samband íslenskra sveitarfélaga og Bændasamtök Íslands tilnefna hvor aðili um sig tvo fulltrúa í stjórnina og félagsmálaráðherra skipar formann stjórnar án tilnefningar.

Hafnasamband sveitarfélaga

Hlutverk Hafnasambands sveitarfélaga er að vera sameiginlegur málsvari hafnanna gagnvart ríkisvaldinu og öðrum um hafnamál og vinna að sameiginlegum hagsmunamálum þeirra og samstarfi.

Hafnasambandsþing eru haldin annað hvert ár og þar er kosin sjö manna stjórn hafnasambandsins til tveggja ára. Þau ár sem hafnasambandsþing eru ekki haldin skal haldinn hafnafundur. Hafnafundurinn er almennur kynninga- og fræðslufundur fyrir stjórnendur og starfsmenn hafna um tiltekin málefni sem stjórnin ákveður. Magnús Karel Hannesson sviðsstjóri sér um starfsemi hafnasambandsins.

Hafnasamband sveitarfélaga hefur sérstaka heimasíðu á slóðinni www.hafnasamband.is



Anna Guðrún
Björnsdóttir



Anna Margrét
Guðjónsdóttir



Bára Margrét
Eiríksdóttir



Berglind Eva
Ólafsdóttir



Dóróthea
Jóhannsdóttir



Guðbjörg
Karlsdóttir



Guðfinna
Harðardóttir



Guðjón
Bragason



Guðrún A.
Sigurðardóttir



Guðrún Ósk
Sigurjónsdóttir



Gunnlaugur A.
Júlíusson



Inga Rún
Ólafsdóttir



Ingibjörg
Hinriksdóttir



Jana
Friðfinnsdóttir



Jóhannes Á.
Jóhannesson



Jónína
Eggertsdóttir



Karl
Björnsson



Lúðvík Eckhard
Gústafsson



Magnús Karel
Hannesson



Ragnheiður
Snorraddóttir



Sigríður Inga
Sturludóttir



Svandís
Ingimundardóttir



Valgerður F.
Ágústsdóttir

Lánasjóður sveitarfélaga ohf.



Egill Skúli
Þórólfsson



Óttar
Guðjónsson



Rut
Steinsen

Upplýsingaveitur, handbækur og ráðstefnur

Á heimasíðu sambandsins, www.samband.is, má finna ítarlegar upplýsingar um hlutverk og starfsemi sambandsins og samstarfsstofnana þess. Auk þess er þar hægt að nálgast margvíslegar upplýsingar um sveitarstjórnarmál.

Á heimasíðunni er m.a. sérstakur tengill inn á ýmsar upplýsingaveitur kallast „Vegvísir sveitarstjórnarmanna“. Þar er hægt að komast inn á ýmsar slóðir er gagnast vel í störfum sveitarstjórnarmanna.

Árlegagefursambandið út Árbóksveitarfélaga þarsembirtar eru upplýsingar um rekstur og efnahag sveitarfélaganna. Árbókin er nauðsynleg handbók fyrir alla þá sem vilja glöggva sig á rekstri og fjárhag sveitarfélaganna og vilja fylgjast með málefnum þeirra og viðfangsefnum. Árbókin er til sölu á skrifstofu sambandsins, en hún er einnig birt á vef sambandsins.

Á hverju ári gengst sambandið fyrir ráðstefnum og fundum fyrir sveitarstjórnarmenn og starfsmenn sveitarfélaga um einstaka þætti í rekstri sveitarfélaganna. Þar er fjallað um mál sem efst eru á baugi hverju sinni á sviði sveitarstjórnarmála. Ráðstefnur og fundir eru kynntir á upplýsinga- og samskiptavef sambandsins.

Þá gefur sambandið út tímaritið Sveitarstjórnarmál sem kemur út 10 sinnum á ári. Tímaritið er mál gagn Sambands íslenskra sveitarfélaga og er í tímaritinu fjallað um sveitarstjórnarmál með greinum og viðtölum.

Landshlutasamtök sveitarfélaga

Landshlutasamtök sveitarfélaga eru frjáls samtök sveitarfélaganna og hafa þau öll sérstaka framkvæmdastjóra. Landshlutasamtökin sinna fyrst og fremst sérstökum hagsmunamálum landshlutanna og öðrum verkefnum samkvæmt ákvörðun hlutaðeigandi sveitarstjórna. Fulltrúar sambandsins sitja jafnan aðalfundi landshlutasamtakanna og formenn og framkvæmdastjórar þeirra eiga samkvæmt lögum Sambands íslenskra sveitarfélaga sæti á landsþingum sambandsins með tillögurétti og málfrelsi. Reglulega eru fundir haldnir með fulltrúum landshlutasamtakanna og stjórn sambandsins. Á heimasíðu sambandsins er auðveldlega hægt að komast inn á heimasíður landshlutasamtakanna.

Samband íslenskra sveitarfélaga

Borgartúni 30, pósthólf 8100, 128 Reykjavík, sími 515 4900, fax 515 4903

samband@samband.is www.samband.is



Frá fjármálaráðstefnu sveitarfélaga sem haldin er ár hvert. Myndin er tekin á Nordica Hotel árið 2008.